

嘉靖二十五年雲南鄉試錄

雲南鄉試錄序

夫命鄉論秀其猶古之遺乎
然而法制之畀藝極之陳風
聲之樹蓋至我

聖朝而獨備矣茲歲丙午大比維
期先時禮部覈故事集羣議
請于

上乃降發

綸音凡以登賢剔弊申敕有加雲
南於諸藩最遠尤汲汲先事
之備維歲首月巡按御史郝
銘輒謀于藩臬緘詞束幣走
使四方徵校職以司文柄其
他繕塲屋庀器具以至筐篚

餽牽之細咸戒有司調度以
需期且屈御史劉廷儀奉

命代至毅然曰惟是監臨豈異人

任爰殫厥心力諸所規畫益
慎而詳于時鎮守黔國公沐

朝輔素敦儒雅樂觀

盛典巡撫右僉都御史應大猷

綏懷善類式增士氣考試官

則佐偕教諭彭洛同考試官

則教諭莫遺賢胡愆劉濟民

羅萬鵬咸應聘而至提調則

右叅政劉伯躍右叅議沈繼

美監試則副使譙孟龍僉事

李文鳳自餘百執事咸慎簡

以充比入鎖院乃合陞任提

學副使吳

鵬

署管僉事楊

儒

魯所選士千五百有奇三試

之拔其雋者四十人并錄文

之優者以

獻蓋昔者解額嘗羨于此而貴

州之士附焉今雖稍損而雲

南之士額之顧人文勃鬱以
興主司有不獲盡取之憾曾

乎盛哉事既竣

佐乃再拜颺

言曰首庶物而寧萬國者惟
聖乎曠千載而幸一遘者惟
時乎雲南山川形勢之勝誠
亦天地奧區然故靡莫之域

而西南徼外地也唐虞聲教
所未之訖成周禮樂所未之
覃秦漢而降威嚴綏輯所未
之能必而定也迨我

聖祖高皇帝混一寰區誕敷文德
籍其地而郡邑之淑其人而
庠校之斂其才而科目之蓋

始駸駸乎振起莫不誦法孔子而業專經術矣重以

列聖休澤熙洽

皇上道化彌隆沾濡涵煦百八十
禩于茲蒸蒸日上蜚英騰茂人
懷利賔固其宜也易恒之彖
曰聖人久於其道而天下化

成夫恒之爲卦有雷風相與
之象焉風行雷動含生之類
莫不鬯達昭蘇矧靈秀攸鍾
有弗靡然響應其庸以遐阻
自外乎雖然古之取士或以
德進或以事舉或以言揚言
固其又次也至論不朽有三

立德立功立言復並舉之蓋
功以德立臯夔旦奭其選也
言以德立典謨訓誥其選也
夫何軒輊之有諸士今之見
錄有司固惟其言矣嗣是宣
猷展采惟所任使以圖稱塞
無寧弗以道德自命邪誠自

命以道德乃明庶敷納有功
不惟敘言不惟服斯未之信
也夫昔也猶未免鄉國之士
矣茲進而與天下士埒又安
得弗尚友古之人邪詩有之
高山仰止景行行止嚮往之
志曷惟其已昔祁奚能舉善

人之稱之也曰唯善故能舉

其類

佐

也不佞竊願徼有榮

譽于諸士是舉也綜理于外

則右布政使劉

佐

右叅政程

資左叅議郝

維

嶽

副使余

承

業

僉事文

衡

安

如

山

都指揮

僉事石

邦

憲

汪

勲

其宣力維

均者也從役于公則左布政
使曾存仁左叅政黃行可按
察使蔡雲程副使岑萬皆先
事與勞者也宜備書焉

直隸池州府建德縣儒學教

諭朱佐謹序

嘉靖二十五年雲南鄉試

監臨官

巡按雲南監察御史劉廷儀

汝修太醫院籍浙江
慈谿縣人戊戌進士

提調官

雲南等處承宣布政使司右叅政劉伯躍

起之江西南昌縣人
己丑進士

雲南等處承宣布政使司右叅議沈繼美

子充四川保寧府守
禦千戶所人丙戌進士

監試官

雲南等處提刑按察司副使譙孟龍

乾甫四川南充縣人
乙未進士

雲南等處提刑按察司僉事李文鳳

廷儀廣西慶遠衛人
壬辰進士

考試官

直隸池州府建德縣儒學教諭朱佐

思忠浙江海鹽衛人
甲午貢士

河南開封府中牟縣儒學教諭彭洛

中父江西浮梁縣人
庚子貢士

同考試官

江西南安府南康縣儒學教諭莫遺賢

堯卿廣西蒼梧縣人
辛卯貢士

應天府江浦縣儒學教諭胡慙

明叔湖廣沅州人
甲午貢士

直隸蘇州府常熟縣儒學教諭劉濟民

道卿河南洛陽縣人
甲午貢士

陝西漢中府洋縣儒學教諭羅萬鵬

騰霄四川南充縣人
戊子貢士

印卷官